



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՀԱՇՎԵՔՆՆԻՉ ՊԱԼԱՏ

ՈՐՈՇՈՒՄ

«29» Ծափքի 2019 թվականի N 7/6

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՀԱՇՎԵՔՆՆԻՉ ՊԱԼԱՏԻ ԱՆԴԱՄՆԵՐԻ ԵՎ
ԱՇԽԱՏԱԿԻՑՆԵՐԻ ՊԱՐԳԵՎԱՏՐՄԱՆ ԿԱՐԳԸ ՀԱՍՏԱՏԵԼՈՒ ՄԱՍԻՆ

Ղեկավարվելով «Հաշվեքննիչ պալատի մասին» Հայաստանի Հանրապետության օրենքի 16-րդ հոդվածի 9-րդ մասի 9-րդ կետով և հիմք ընդունելով «Հաշվեքննիչ պալատի մասին» Հայաստանի Հանրապետության օրենքի 20-րդ հոդվածի 4-րդ, 5-րդ, 6-րդ մասերը Հայաստանի Հանրապետության հաշվեքննիչ պալատը՝

Ո Ր Ո Շ ՈՒ Մ Է՝

1. Հաստատել «Հայաստանի Հանրապետության հաշվեքննիչ պալատի անդամների և աշխատակիցների պարգևատրման կարգ»-ը՝ համաձայն Հավելվածի:
2. Սույն որոշումն ուժի մեջ է մտնում հրապարակման հաջորդ օրվանից:

ՀԱՇՎԵՔՆՆԻՉ ՊԱԼԱՏԻ
ՆԱԽԱԳԱՀ

Դ. Զաչյան Լ. ՅՈՒՅԱՆ

**ՀՀ ՀԱՇՎԵՔՆՆԻՉ ՊԱԼԱՏԻ ԱՆՊԱՄՆԵՐԻ ԵՎ ԱՇԽԱՏԱԿԻՑՆԵՐԻ
ՊԱՐԳԵՎԱՏՐՄԱՆ ԵՎ ԽՐԱԽՈՒՍՄԱՆ ԿԱՐԳ**

1. Հայաստանի Հանրապետության հաշվեքննիչ պալատի (այսուհետ՝ Պալատ) անդամների, քաղաքացիական ծառայողների, քաղաքացիական աշխատանք կատարողների, հայեցողական պաշտոն զբաղեցնող անձանց, տեխնիկական սպասարկում իրականացնող անձանց և փորձագետների (այսուհետ՝ Աշխատակիցներ) պարգևատրումը կարող է իրականացվել ՀՀ պետական բյուջեով նախատեսված աշխատավարձի ֆոնդի տնտեսված միջոցներից, պետական ծառայողների պարգևատրման ֆոնդի, Պալատի անդամների և աշխատակազմի ծառայողների խրախուսման և համակարգի զարգացման նպատակային ֆոնդի (այսուհետ՝ Նյութական խրախուսման և զարգացման ֆոնդ), /Պարգևատրումներ, դրամական խրախուսումներ և հատուկ վճարներ/, ինչպես նաև Պալատի պահուստային ֆոնդի միջոցներից:
2. Սույն կարգով կանոնակարգվում է միայն Նյութական խրախուսման և զարգացման ֆոնդից, աշխատավարձի ֆոնդի տնտեսված միջոցներից, ինչպես նաև Պալատի պահուստային ֆոնդից Պալատի անդամների և աշխատակիցների պարգևատրման չափորոշիչները և ընթացակարգը:
3. Պարգևատրման հիմքում ընկած են հետևյալ չափորոշիչները՝ հաշվեքննության արդյունքները, և/կամ իրականացված հաշվեքննության գործընթացի փաստաթղթավորման որակը, և/կամ կատարված աշխատանքի բարդությունը, ծավալը, որակը, և/կամ լրացուցիչ հանձնարարականների կատարումը:
4. Պալատի անդամների և աշխատակիցների միջև նյութական խրախուսման համար նախատեսված միջոցները կարող են բաշխվել եռամսակային կտրվածքով և/կամ ըստ կատարած աշխատանքների անհատական արդյունավետության:
5. Եռամսակային կտրվածքով պարգևատրման դեպքում այդ միջոցները հաշվարկվում և վճարվում են համապատասխան եռամսակի ավարտից հետո, բացառությամբ 4-րդ եռամսակի

պարգևատրման միջոցների, որոնք կարող են տրամադրվել մինչև ֆինանսական տարվա ավարտը:

6. Եռամսյակային կտրվածքով պարգևատրման դեպքում Պալատը որոշում է պարգևատրման ֆոնդի մեծությունը: Պարգևատրման ֆոնդը բաղկացած է՝ «Պալատի անդամների պարգևատրման», «Գլխավոր քարտուղարի և կառուցվածքային ստորաբաժանման մեջ չընդգրկված աշխատակիցների պարգևատրման» և «Պալատի կառուցվածքային ստորաբաժանումների պարգևատրման» ենթաֆոնդերից:
7. «Պալատի անդամների պարգևատրման» ենթաֆոնդը հավասար է Պալատի անդամների աշխատավարձերի հանրագումարի և Պալատի կողմից սահմանվող գործակցի արտադրյալին: Եռամսյակային կտրվածքով Պալատի անդամի պարգևատրումն իրականացվում է Պալատի որոշմամբ: Պալատի անդամի պարգևատրման չափը հաշվարկվում է «Պալատի անդամների պարգևատրման» ենթաֆոնդի նկատմամբ յուրաքանչյուր անդամի մասով Պալատի կողմից սահմանվող տոկոսային հարաբերակցությամբ, որի հանրագումարը կազմում է 100 տոկոս:
8. «Գլխավոր քարտուղարի և կառուցվածքային ստորաբաժանման մեջ չընդգրկված աշխատակիցների պարգևատրման» ենթաֆոնդը հավասար է Գլխավոր քարտուղարի աշխատավարձի և կառուցվածքային ստորաբաժանման մեջ չընդգրկված աշխատակիցների աշխատավարձերի հանրագումարի և Պալատի նախագահի կողմից սահմանվող գործակցի արտադրյալին: Գլխավոր քարտուղարի և կառուցվածքային ստորաբաժանման մեջ չընդգրկված աշխատակիցների պարգևատրման չափը յուրաքանչյուրի համար հաշվարկվում է «Գլխավոր քարտուղարի և կառուցվածքային ստորաբաժանման մեջ չընդգրկված աշխատակիցների պարգևատրման» ենթաֆոնդի նկատմամբ, Պալատի նախագահի կողմից սահմանվող (խորհրդակցելով անմիջական ղեկավարի հետ) տոկոսային հարաբերակցությամբ, որի հանրագումարը կազմում է 100 տոկոս:
9. «Պալատի կառուցվածքային ստորաբաժանումների պարգևատրման» ենթաֆոնդը հավասար է առանձին կառուցվածքային ստորաբաժանումների պարգևատրման ֆոնդերի գումարին: Եռամսյակային կտրվածքով սահմանվում է յուրաքանչյուր կառուցվածքային ստորաբաժանման պարգևատրման ֆոնդը, որը հավասար է աշխատակիցների (բացառությամբ թափուր հաստիքների) աշխատավարձերի հանրագումարի և Պալատի նախագահի կողմից տվյալ ստորաբաժանման համար սահմանված գործակցի արտադրյալին: Ստորաբաժանման

ղեկավարի պարգևատրման չափը որոշվում է ստորաբաժանման պարգևատրման ֆոնդի նկատմամբ կիրառելով համապատասխան ստորաբաժանման աշխատանքները համակարգող Պալատի անդամի կողմից ներկայացվող պարգևատրման տոկոսային հարաբերակցությամբ, որը հաստատվում է Պալատի նախագահի կողմից՝ անհրաժեշտության դեպքում կատարելով համապատասխան փոփոխություններ: Հաշվեքննություն իրականացնող, հաշվեքննության գործընթացին առնչվող գործառույթ իրականացնող մասնագիտական կառուցվածքային վերոնշյալ ստորաբաժանումների մյուս աշխատակիցների պարգևատրման տոկոսային հարաբերակցությունը՝ (հաշվի առնելով նաև ստորաբաժանման ղեկավարի համար հաշվարկվածը) Պալատի նախագահին ներկայացվում են տվյալ ստորաբաժանման ղեկավարի և ստորաբաժանման աշխատանքները համակարգող անդամի կողմից, իսկ աջակցող մասնագիտական կառուցվածքային ստորաբաժանումների աշխատակիցների տոկոսային հարաբերակցությունը՝ (հաշվի առնելով նաև ստորաբաժանման ղեկավարի համար հաշվարկվածը) տվյալ ստորաբաժանման ղեկավարի և Գլխավոր քարտուղարի կողմից: Ներկայացված հարաբերակցությունները հաստատվում են Պալատի նախագահի կողմից: Յուրաքանչյուր ստորաբաժանման աշխատակիցների տոկոսային հարաբերակցության հանրագումարը կազմում է 100 տոկոս:

10. Ըստ կատարած աշխատանքների անհատական արդյունավետության՝ պարգևատրումներն իրականացվում են հաշվեքննության ընթացքի և արդյունքների հիման վրա կամ լրացուցիչ հանձնարարականների պատշաճ կատարման դեպքերում՝ Հաշվեքննիչ պալատի, Հաշվեքննիչ պալատի նախագահի, Հաշվեքննիչ պալատի անդամի, Գլխավոր քարտուղարի կամ համապատասխան կառուցվածքային ստորաբաժանման ղեկավարի միջնորդությամբ և 7-րդ, 8-րդ, 9-րդ կետերով սահմանված լիազորությունների շրջանակներում: Ներկայացված գործակիցները (բացառությամբ պալատի անդամի մասով) հաստատվում և կարող են փոփոխվել Պալատի նախագահի կողմից:
11. Պարգևատրման ենթակա չեն այն Աշխատակիցները, որոնց նկատմամբ կիրառված կարգապահական տույժը Հայաստանի Հանրապետության օրենսդրությամբ սահմանված կարգով մարված կամ հանված չէ, կամ Պալատում աշխատել է երեք ամսից պակաս ժամկետով: